



Nobilissime & Amplissime

DOMINE,

DICI non potest, quanta cum voluptate evolverim elegantissimum tuum de usu & abusu Organi libellum, nobilem ingenii tui partum. in quo videre licet, quid decoris ignobili subjecto addere possit artifex manus: cum qui à subjecto sperari non potuit, ab ingenio tuo cultus accesserit, ut verè materiam superet opus. planè voluisti vincere, ita omnem pertinaciæ rimam occlusisti, ut qui dissentire impofterum velit, solo dissensu, non iudicio, quod omnibus extorsisti, à te distare

stare comperiat. Me quod atti-
 net, ita semper statui, atq; ita aliter
 sentientibus persuasum volui, aut
 nullum esse usum Organi, aut il-
 lum demum esse legitimum, qui
 cum Cantu vivo ita sociatur, ut illi
 & ducis & comitis officium præ-
 stet, atque illum animet, inflam-
 met & dirigat. præclara sunt nec
 plebeiarum animarum Epulæ, quæ
 de harmoniæ vi, efficacia & raptu
 aspersisti. Ego hunc laboris tui
 fructum auguror, ut minutis &
 obstreperis istis ingeniis obse-
 quium & silentium imperaveris,
 & Tibi restituti Organi usus laus
 omnis in solidum debeatur: ut
 ubicunque locorum illud Organi
 & cantus Conjugium admittetur,
 Tu istius beneficii & decori Autor
 jure merito celebreris. Aut enim

D; valdè

58
valdè fallor , aut multorum ani-
mis scrupulum qui eos hactenus
dementarat , exemisti , atque ut
sapere audeant , viam præivisti .
Quando verò tam humaniter me-
cum egisti , ut etiam operis tui Ar-
bitrum tuleris , ausus fui , invita-
tus tuo exemplo , etiam foetum
meum , quem his diebus pro causa
Dei contra ejus hostes in lucem
edidi , Amplitudini tuæ dijudican-
dum offerre : quo non vulgaria
istius sectæ mysteria , & in omnia
deteriora prolapsum , uti quidem
mihi videtur , Ecclesiæ bono de-
texi . Qui enim inter maxima or-
namenta tua , id præcipuè honori
ducas , ut pro Ecclesiæ filio agno-
scaris , non dedignaberis , credo , iis
quæ in Matris communis defen-
sionem meditati sumus , pauculas
horas

horas subscicivas impendere. Quæ
 si & accurato tuo iudicio probari
 intelligam, uti certè ex animo ex-
 opto, non tam mea, quam Ec-
 clesiæ causa, non est quod me
 positæ in eo operæ poenitere de-
 beat. Vale, Vir Nobilissime &
 Amplissime.

*Lugduni Batavorum, postridie Kalen-
 das April. clō lō c xli.*

Amplitudini tuæ ex
 animo devotus

ABRAHAMVS HETDANVS.

Nobi-